



DOM ZDRAVLJA MOSTAR

Ul. Hrvatskih branitelja b.b., 88 000 Mostar

ID broj: 4227220420000; PDV broj: 227220420000

tel: + 387 36 324 301, 335 534; fax: +387 36 335 532 e-mail: info@dzmostar.com; www.dzmostar.com

NEZAVISNI STRUKOVNI SINDIKAT RADNIKA

ZAPOSLENIH U ZDRAVSTVU HNŽ

MOSTAR

N/p Predsjednika

Gosp. Dalibor Vuković

Broj: 3168-37/20

Mostar; 27.11.2020.god.

Poštovani,

Dana 26.11.2020.godine zaprimili smo Zahtjev za dostavu prijedloga Sporazuma o poslovima koji se ne mogu prekidati za vrijeme Generalnog štrajka, od strane Nezavisnog sindikata uposlenika Doma zdravlja Mostar te Vas želimo upoznati sa par stavki.

Naime, Ministarstvo pravosuđa, uprave i lokalne samouprave HNŽ/K dostavilo je obavijest broj.03-04-447/20 od 06.listopada 2020.godine Domu zdravlja Mostar da je mandat ovlaštenih osoba i članova tijela upravljanja Nezavisnog Sindikata uposlenika Doma zdravlja Mostar istekao 09.lipnja 2020.godine ,a isti Sindikat nije navedeno ministarstvo obavijestio o promjenama unutar Sindikata te su po službenoj dužnosti 01.listopada 2020.godine Sindikatu uputili Zahtjev za dostavu dokumentacije .

Nakon toga dobivamo Zaključak od strane Ministarstvo zdravstva, rada i socijalne skrbi kojim Dom zdravlja obaviještavaju da je Ministarstvo pravosuđa, uprave i lokalne samouprave Mostar Rješenjem broj: 03-04-UP1-323/20 od 12.11.2020.godine gore navedeni sindikat brisan iz Registra Udruga.

Uzimajući u obzir gore navede činjenice nismo u mogućnosti postupati po zahtjevu podnositelja niti dostaviti prijedlog Sporazuma o poslovima koji se ne mogu prekidati za vrijeme Generalnog štrajka , ali smo Vama podrška za sve radnje u ostvarivanju većih prava i boljih uvjeta za rad zdravstvenih i nezdravstvenih djelatnika, te u konačnici potpisivanje novog Kolektivnog ugovora.

Nadam se da ćete imati razumijevanje i još jednom naglašavamo da Dom zdravlja Mostar stoji na raspolaganju Vama kao podrška za sve traženo .

S poštovanjem,

v.d. Ravnatelj



Doc.dr.sc.Mario Kordić, dr.med.



DOM ZDRAVLJA MOSTAR

Ul. Hrvatskih branitelja b.b., 88 000 Mostar

ID broj: 4227220420000; PDV broj: 227220420000

tel: + 387 36 324 301, 335 534; fax: +387 36 335 532 e-mail: info@dzmostar.com; www.dzmostar.com

NEZAVISNI STRUKOVNI SINDIKAT RADNIKA

ZAPOSLENIH U ZDRAVSTVU HNŽ

MOSTAR

N/p Predsjednika

Gosp. Dalibor Vuković

Broj: 3216 -37-2611/20

Mostar; 03.12.2020.god.

Poštovani,

U svezi Vašeg akta od 01.12.2020.godine ponovo naglašavamo da Dom zdravlja Mostar ne može potpisati Sporazum sa Sindikatom čiji je mandat ovlaštenih osoba i članova tijela upravljanja istekao, kao i sa Sindikatom koji je brisan iz Registra udruga .

(Obavijest broj:03-04-447/20 od 06.listopada 2020.godine kojim smo obaviješteni da je istekao mandat ovlaštenih osoba i članova Sindikata DZ Mostar i zaključak Ministarstva zdravstva ,rada i socijalne skrbi kojim s mo obaviješteni o brisanju Nezavisnog Sindikata „ Doma zdravlja Mostar“ iz Registra usluga)

I dalje stojimo na raspolaganju Vama kao podrška za sva prava djelatnika ,te Vas molimo da potpišete Sporazum o poslovima koji se ne mogu prekidati za vrijeme štrajka broj: 3183-37/20 od 01.12.2020.godine, a koji Vam je Dom zdravlja Mostar dostavio dana 01.12.2020.godine.

Nadam se da ćete imati razumijevanja i potpisati Sporazum.

S poštovanjem,

Ravnatelj

Doc. dr. sc. Mario Kordić

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
Ministarstvo pravosuđa, uprave i lokalne samouprave
Mostar

Broj: 03-04-UP₁-323/20
Mostar, 12.11.2020. godine.

06-03/16.11.2020.
-02

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
Ministarstvo pravosuđa, uprave i lokalne samouprave

PRIMLJENO: 16.11.2020			
Organizaciona jedinica	Statistička oznaka	Radni broj	Broj prijava
06-03	-30	-369	/20

Ministarstvo pravosuđa, uprave i lokalne samouprave Hercegovačko-neretvanskog kantona rješavajući o prestanku rada i brisanju iz Registra udruženja, Udruženja naziva: NEZAVISNI SINDIKAT „DOMA ZDRAVLJA“ MOSTAR, na osnovu člana 42. i 43. stav (1) tačka (2) i stav (4) Zakona o udruženjima i fondacijama («Službene novine F BiH», broj: 45/02), te člana 200. Zakona o upravnom postupku («Službene novine F BiH», broj: 2/98, 48/99) nakon provedenog upravnog postupka, po službenoj dužnosti donosi:

Rješenje

1. Prestaje s radom i briše se iz Registra udruženja ovoga Ministarstva, sa danom 12.11.2020. godine Udruženje pod nazivom: **NEZAVISNI SINDIKAT „DOMA ZDRAVLJA“ MOSTAR**, skraćeni naziv: SINDIKAT DZ MOSTAR (u daljem tekstu: Udruženje ili Sindikat), sa sjedištem u Mostaru, na adresi: Ul. Hrvatskih branitelja bb, koje je upisano u Registar udruženja ovoga Ministarstva pod brojem: R-585/07.

2. Rješenje o prestanku rada i brisanju iz Registra udruženja ovog Udruženja objavit će se u „Službenim novinama Hercegovačko-neretvanskog kantona“, na oglasnoj ploči Ministarstva, a u vidu oglasa i na web stranici ovoga Ministarstva.

Obrazloženje

U Registar udruženja koji se vodi kod ovog Ministarstva upisano je udruženje pod nazivom NEZAVISNI SINDIKAT „DOMA ZDRAVLJA“ MOSTAR, skraćeni naziv SINDIKAT DZ, prvi put na osnovu rješenja broj: 03-II-05-UP1-38/02 od 22.04.2002.godine.

Nakon stupanja na snagu Zakona o udruženjima i fondacijama („Službene novine FBiH“, broj: 45/02) Udruženje je izvršilo preregistraciju i usklađivanje sa novim Zakonom, pa je na osnovu rješenja broj: 03-03-05-UP1-115/07 od 10.09.2007. godine upisano u jedinstveni Registar udruženja pod brojem R-585/07, kada je prihvaćen prečišćeni tekst Statuta (novi Statut) promjena osoba ovlaštenih za zastupanje i predstavljanje i članova organa upravljanja Udruženjem.

Rješenjem broj: 03-03-05-UP1-270/16 od 09.06.2017.godine, na osnovu odluka Skupštine Udruženja od 22.09.2016.godine, prihvaćeno je produženje mandata osoba ovlaštenih za zastupanje i predstavljanje i članova organa upravljanja Udruženjem, tako da je izvršen upis:

- Zore Rukelj - predsjednice Sindikata, i
- Marije Puce - dopredsjednice Sindikata, na mandatni period od 2 (dvije) godine.

Postupajući po službenoj dužnosti, ovo Ministarstvo je Udruženju uputilo dopis broj: 03-03-05-UP1-270/16 od 01.10.2020. godine, kojim je od istog zatraženo da bez odlaganja, najkasnije u roku od 30 dana od dana prijema dopisa, dostavi traženu dokumentaciju potrebnu za preregistraciju, kako je u dopisu decidno pobrojano.

Navedeni dopis Udruženje je uredno primilo, dana 06.10.2020. godine.

Uvidom u spis predmeta Udruženja naziva: NEZAVISNI SINDIKAT „DOMA ZDRAVLJA“ MOSTAR, utvrđene su sljedeće činjenice:

1) Udruženje je prvi put registrovano u ovom Ministarstvu po Zakonu o udruživanju građana („Službene novine FBiH“, broj: 6/95) na osnovu rješenja broj: broj: 03-II-05-UP1-38/02 od 22.04.2002. godine, te je istog dana upisana u Registar udruženja pod brojem R-334/02, knjige II. (druge) - (H) Registra.

2) Udruženje se dana 10.09.2007. godine preregistrovalo u skladu sa Zakonom o udruženjima i fondacijama („Službene novine FBiH“, 45/02) na osnovu rješenja ovog Ministarstva broj: 03-03-05-UP1-115/07, kada je upisano u jedinstveni Registar udruženja pod brojem R-585/07 Knjige II (druge) Registra.

3) Javnim saopštenjem broj: 03-03-51-541/16 od 22.08.2016. godine, koje je objavljeno na web stranici Vlade Hercegovačko-neretvanskog kantona, www.vlada.hz-k.gov.ba, web stranici ovoga Ministarstva www.mpuls.info i u dva navrata u dnevnim novinama, i to dana: 22.08.2016. godine i dana 14.11.2016. godine, pozvana su odgovorna lica za zastupanje i predstavljanje udruženja, nevladinih organizacija (NVO) i humanitarnih udruženja i organizacija (u daljem tekstu: udruženja), koja su registrovana i upisana u Registar udruženja ovoga Ministarstva počevši od 01.10.1997. godine do 01.10.2008. godine, a koje nakon registracije ili upisa posljednjih promjena u Registru nisu prijavljivala promjene ovlaštenih lica za predstavljanje i zastupanje i članova organa upravljanja, da odmah, a najdalje do 01.12.2016. godine sazovu i održe Izvještajno-izbornu Skupštinu svog udruženja i ovom Ministarstvu podnesu zahtjev i svu potrebnu dokumentaciju za upis promjena u Registru udruženja, kako Ministarstvo ne bi donijelo rješenje o prestanku rada i brisanju udruženja iz navedenog Registra. Uz Javno saopštenje na web stranicama je objavljen spisak obrazaca i dokumentacije koji se koriste za registraciju i preregistraciju udruženja. Pored navedenog, objavljen je i Preliminarni spisak Udruženja/ Udruženja 2003-2009, koji je služio kao pomoćno sredstvo, u kojem su navedena udruženja na koja se Javno saopštenje odnosi, te imena njihovih odgovornih lica za zastupanje i predstavljanje.

U javnom saopštenju navedeno je da će se u skladu sa članom 43. stav (1) tačka 2) i stav (4) Zakona o udruženjima i fondacijama FBiH, smatrati da je udruženje prestalo djelovati ako je proteklo dvostruko više vremena od vremena utvrđenog statutom udruženja za održavanje skupštine, a skupština nije održana, o čemu će nadležni organ donijeti posebno rješenje.

4) Udruženje se nalazilo na Preliminarnom spisku Udruženja/ Udruženja 2003-2009, pod rednim brojem 353.

5) Postupajući po Javnom saopštenju, Zora Rukelj u ime Udruženja je dana 22.11.2016. godine, podnijela zahtjev za preregistraciju – upis promjena u Registru udruženja, a koji se odnosio na produženje mandata licima ovlaštenim za zastupanje i predstavljanje i promjenu članova organa upravljanja Udruženjem. U prilogu navedenog zahtjeva za preregistraciju dostavila je odluke Skupštine Udruženja, održane 22.09.2016.godine, donesene u skladu sa važećim Statutom Udruženja. Rješenjem broj: 03-03-05-UP1-270/16 od 09.06.2017. godine uvažen je zahtjev Zore Rukelj i izvršen upis produženja mandata ovlaštenim licima Zori Rukelj - predsjednici Sindikata i Mariji Puce - zamjenici predsjednice Sindikata, na mandatni period od 2 (dvije) godine.

Tačkom 5. dispozitiva navedenog rješenja određeno je slijedeće: Sindikat je obavezan ovom Ministarstvu prijaviti svaku narednu promjenu: statuta, naziva, sjedišta i adrese, djelatnosti, lica ovlaštenih za zastupanje i predstavljanje, članova organa upravljanja bez obzira da li se radi o produženju mandata ili novom izboru, pripajanju, razdvajanju, transformaciji ili prestanku rada Sindikata, u roku od 30 dana nakon izvršene promjene, jer ne prijavljivanje promjene podataka koje se upisuju u Registar udruženja predstavlja prekršaj.

6) Protiv rješenja broj: 03-03-05-UP1-270/16 od 09.06.2017. godine nije pokrenut upravni spor i isto je postalo pravosnažno dana 16.07.2017.godine.

7) Statutom Udruženja i to članom 16., određeno je da se Izborna Skupština saziva svake druge godine; mandati predsjednika i zastupnika u Skupštini su određeni članom 16. Statuta, a člankom 19. su određeni mandati predsjednika i članova Predsjedništva i traju 2 (dvije) godine.

8) Do dana izrade ovog rješenja Udruženje nije postupilo po dopisu ovog Ministarstva broj: 03-03-05-UP1-270/16 od 01.10.2020. godine, kojim je od istog zatraženo da bez odlaganja, najkasnije u roku od 30 dana od dana prijema dopisa, dostavi traženu dokumentaciju potrebnu za preregistraciju, kako je u dopisu decidno pobrojano.

9) Navedeni dopis Udruženje je uredno primilo, dana 06.10.2020. godine.

10) Udruženje ovom Ministarstvu nije dostavljalo dokaze koji bi nedvosmisleno ukazivali da su organi ovog Udruženja održavali sjednice u skladu sa odredbama njihovog Statuta.

11) Prema podacima iz službenih evidencija koje se vode kod ovog Ministarstva ustanovljeno je da je proteklo dvostruko više vremena od vremena utvrđenog statutom Udruženja za održavanje Skupštine, a Skupština nije održana.

Ovo Ministarstvo ne raspolaže podacima o imovini Udruženja, te nije u mogućnosti odlučiti o eventualnoj raspodjeli imovine ovog Udruženja.

Imajući u vidu navedene utvrđene činjenice, a posebno da je od posljednje Izborne Skupštine Udruženja do danas proteklo dvostruko više vremena od vremena utvrđenog Statutom Udruge za održavanje Skupštine, a Skupština Udruge nije održana, stekli su se zakonski uslovi iz člana 43. stav (1) tačka 2), a u vezi sa stavom (2) tačka 1) istog člana Zakona za donošenje, po službenoj dužnosti, rješenja o prestanku rada i brisanju Udruženja iz Registra udruženja ovoga Ministarstva radi čega je na osnovu člana 42., 43. stav (4) i člana 46. stav (3) Zakona o udruženjima i fondacijama F BiH riješeno kao u dispozitivu ovog rješenja.

Pouka o pravnom lijeku:

Ovo rješenje je konačno u upravnom postupku, te protiv njega nije dopuštena žalba, ali se može pokrenuti upravni spor. Upravni spor se pokreće tužbom kod Kantonalnog suda u Mostaru, u roku od 30 dana računajući od dana prijema ovog rješenja. Tužba se podnosi u dva istovjetna primjerka, uz koju se prilaže i ovo rješenje u originalu, prepisu ili kopiji.

Dostaviti:

1. Udruženju;
2. Federalnom ministarstvu pravde;
3. Federalnom zavodu za statistiku;
Službi za statistiku za područje HNK, Mostar
Ulica Krpića broj 3;
4. Stručnoj službi Vlade HNK;
5. Ministarstvu zdravstva, rada i socijalne zaštite HNK;
6. Gradu Mostaru, Službi za odgoj, obrazovanje, mlade i sport;
7. U zbirku isprava;
8. a/a





DOM ZDRAVLJA MOSTAR

Ul. Hrvatskih branitelja b.b., 88 000 Mostar

ID broj: 4227220420000; PDV broj: 227220420000

tel: + 387 36 324 301, 335 534; fax: +387 36 335 532 e-mail: info@dzmostar.com; www.dzmostar.com

**NEZAVISNI STRUKOVNI SINDIKAT
RADNIKA U ZDRAVSTVU
HERCEGOVAČKO-NERETVANSKOG KANTONA**

N/p Gosp. Dalibor Vuković

Broj: 3184-37/20
Mostar; 01.12.2020.god.

Poštovani,

Sukladno Vašem aktu od broj: 44/20 od 30.11.2020.godine u privitku Vam dostavljam Sporazum o utvrđivanju poslova koji se ne mogu prekidati za vrijeme štrajka broj: 3183-37/20 od 01.12.2020.godine potpisan od strane ravnatelja Doma zdravlja Mostar doc.dr.sc.Maria Kordića.

S poštovanjem,



Ravnatelj

Doc.dr.sc.Mario Kordić

DANA 01.12.2020.
ŽELJKO LEKO NA RUKU ODNJEZO
U ZJZ#NK: PREDATO KROZ KNJIGU POŠTE
I POTPISANO DA JE PRIMLJENO.

Na osnovu člana 5. Zakona o štrajku („Službene novine Federacije BiH“ broj: 14/00) Poslodavac Dom zdravlja Mostar (u daljem tekstu: Poslodavac) zastupan po zakonskom zastupniku ravnatelju doc.dr.sc.Mariu Kordiću i Nezavisni strukovni sindikat radnika u zdravstvu HNŽ (u daljem tekstu: Sindikat) zastupan po predsjedniku Daliboru Vukoviću dana 01.12.2020. godine, zaključili su:

SPORAZUM O UTVRĐIVANJU POSLOVA KOJI SE NE MOGU PREKIDATI ZA VRIJEME ŠTRAJKA

Član 1.

Poslodavac i Sindikat ovim Sporazumom u cilju omogućavanja minimalnog procesa rada u Domu zdravlja Mostar i ostvarivanja prava radnika na štrajk, sporazumno utvrđuju poslove koji se neće prekidati za vrijeme štrajka, broj radnika koji su dužni da rade za vrijeme štrajka, mjere za osiguranje potrebnih uvjeta radi osiguranja života i zdravlja građana, kao i za osiguranje imovine ustanove.

Član 2.

Poslodavac i Sindikat su suglasni: za vrijeme štrajka neće se prekidati, odnosno obavljat će se sljedeći poslovi po službama:

1. Služba Hitne medicinske pomoći – radi kontinuirano.
2. Ambulante obiteljske medicine, ambulante za zdravstvenu zaštitu djece od 0-6 godina, ambulanta za zdravstvenu zaštitu žena, centar za mentalno zdravlje - primaće pacijente sa akutnim stanjem koja zahtijevaju hitan prijem i intervenciju:
 - akutne koronarne bolesti,
 - akutna pogoršanja kroničnih bolesti (pluća,asme,CORB)
 - krvarenja iz respiratornog trakta
 - akutna abd. bolesti
 - krvarenja iz probavnog trakta
 - fracture i luksacije
 - akutni metabolički poremećaji
 - ozljede oka
 - akutna ginekološka stanja
 - akutne infektivne bolesti
 - ozljeda uha i akutno nastale bolesti uha
 - akutna neurološka stanja
3. Odjel za liječenje ,patronažu i palijativnu njegu u kući– pružaju usluge po procjeni doktora odnosno zbrinjavaju stanja koja zahtijevaju hitnu intervenciju kod nepokretnih i iznemoglih lica.
4. Služba epidemiologije ,higijene i socijalne medicine– pruža usluge po procjeni Poslodavca i Štrajkačkog odbora (bez vanjskih pacijenata).
5. Služba zdravstvene zaštite zuba i usta - prima pacijente koji zahtijevaju hitan tretman i intervenciju.

6. Služba medicinsko –biokemijskog laboratorija – prima pacijente sa uputnicom « Citto!!» ovjerenu od strane doktora.
7. Služba radiološke dijagnostike – prima pacijente sa uputnicom « Citto !!» ovjerenu od strane doktora.
8. Služba za pravne, kadrovska i opće poslove, Služba za ekonomsko- finansijske služba, Služba za tehničke održavanje, Služba za higijenu - radi kontinuirano, odnosno po nalogu Poslodavca i Štrajkačkog odbora.
9. Prometna služba – radi kontinuirano, odnosno po nalogu Poslodavca i Štrajkačkog odbora.
10. Ljekarna Doma zdravlja - radi kontinuirano ili po nalogu Poslodavca i Štrajkačkog odbora.

Član 3.

- Rad u specijalističko – konzultativnim ambulantomama pri Domu zdravlja :
- Po dogovoru sa Poslodavcem Dom zdravlja i Štrajkačkog odbora.

Član 4.

Sastavni dio ovog Sporazuma su Pravila organiziranja i sprovođenja štrajka zaposlenih radnika u zdravstvu u F BiH.

Član 5.

Poslodavac i Sindikat su suglasni da će poslove koji se ne smiju prekidati za vrijeme štrajka iz člana 2. ovog Sporazuma obavljati svi radnici po uobičajenom rasporedu.

Član 6.

Poslodavac i Sindikat su suglasni da će poduzeti potrebne mjere za osiguranje života i zdravlja građana, kao i za osiguranje imovine ustanove, a koje neće umanjiti ili isključiti pravo radnika na štrajk.

Član 7.

Poslodavac i Sindikat su suglasni da radnici za vrijeme štrajka ostvaruju pravo na punu plaću kao i sva druga prava u skladu sa Pravilnikom o radu i Pravilnikom o plaćama i da se ta prava ni na koji način ne mogu isključiti ili umanjiti zbog štrajka.

Član 8.

Ovaj Sporazum je zaključen u četiri (4) istovjetna primjerka od kojih svaka strana potpisnica za svoje potrebe zadržava po dva (2) primjerka.

SINDIKAT

Dalibor Vuković

Broj:



POSLODAVAC

Doc.dr.sc.Mario Kordić

Broj: 3183-37/20

DATUM	OPIS DOKUMENTA	ODJEL - GDJE	KOMADA	KOME - KAKO	DATUM
1	2	3	4	5	6
1.12. 2020	3184-37/20 3183-37/20	NEZAVISNI STRU- KOVNI SINDIKAT U ZDRAVSTVU HNKI DALIBOR VUKOVIC		Kelly Bure	
2.12. 2020	2607, 2608/20	dr. Ademo Klarić		D. Dugalić	
1-	2607/20	dr. Gondama Pino		h	
1-	2607, 2608/20	dr. Anja Zalich		ob	
1	2606, 2607/20	dr. Anja Kicarić		Juh	
1	2608/20	dr. Edita Softa		M	
1	2608/20	dr. Senada Vujica		Jelilid	
1-	2609/20	dr. Marnela Palanceta		P	
1	2606/20	dr. Anela Bura		Ana	
1	2606/20	dr. Helena Dijah		Marija	